

u Srebrenici. To je posebno vrijedno žaljenja uzimajući u obzir činjenicu da je Međunarodni sud, najviše sudbeno tijelo UN-a, ustanovio kako su zločini počinjeni u Srebrenici krivično djelo genocida;

8. snažno pozdravlja odluku Vijeća ministara Bosne i Hercegovine, usvojenu jednoglasno, kojom je 11. juli proglašen Danom žalosti u Bosni i Hercegovini;

9. poziva zastupnike u oba doma Parlamentarne skupštine BiH da usvoje zakon o zabrani negiranja genocida, Holokausta i drugih zločina, te slavljenje zločina i zločinaca;

10. poziva i ostala parlamentarna tijela na državnom, entitetskom i kantonalskom nivou da usvoje Rezolucije, kojima će potvrditi stavove iz Rezolucija Evropskog parlamenta;

11. poziva sve nivoe vlasti u BiH da ponište odluke o imenovanjima institucija, objekata ulica i slično po imenima osuđenih ratnih zločinaca;

12. poziva Narodnu skupštinu RS da ukine odluku o dodjeli odlikovanja za osuđenog ratnog zločinca Radovana Karadžića, kao i za druge osuđene za genocid i ratne zločine;

13. nalaže se Skupštini Tuzlanskog kantona da ovu rezoluciju prosljedi svim općinskim vijećima na području Tuzlanskog kantona.

Bosna i Hercegovina  
- Federacija Bosne i Hercegovine -  
TUZLANSKI KANTON  
Skupština

Predsjednik  
Skupštine Tuzlanskog kantona  
Žarko Vujović, v.r.

Broj: 01-02-299-8/19  
Tuzla, 5.9.2019. godine

**450**

Na osnovu člana 18. Zakona o dopunskim pravima branilaca i članova njihovih porodica - prečišćen tekst („Službene novine Tuzlanskog kantona”, br. 5/12, 5/14 i 12/16), Vlada Tuzlanskog kantona, na sjednici održanoj dana 14.08.2019. godine, donosi

## **ODLUKU**

### **o utvrđivanju uslova, kriterija i postupka za dodjelu finansijskih sredstava u svrhu obezbjeđivanja povoljnijih uslova za zapošljavanje branilaca i članova njihove porodice**

#### **I. Osnovna odredba**

##### **Član 1. (Predmet)**

Ovom odlukom utvrđuju se izvori sredstava u svrhu obezbjeđivanja povoljnijih uslova za zapošljavanje branilaca i članova njihove porodice na području Tuzlanskog kantona (u daljem tekstu: Kanton), korisnici prava, uslovi i kriteriji za samozapošljavanje i zapošljavanje, postupak i organi koji odlučuju i način isplate odobrenih sredstava.

#### **II. Izvori i namjena sredstava**

##### **Član 2. (Finansijska sredstva)**

(1) Sredstva u svrhu obezbjeđivanja povoljnijih uslova za zapošljavanje branilaca i članova njihove porodice (u daljem tekstu: sredstva) na području Kantona su bespovratna i obezbjeđuju se u Budžetu Tuzlanskog kantona (u daljem tekstu: Budžet), na poziciji Ministarstva za boračka pitanja Tuzlanskog kantona (u daljem tekstu: Ministarstvo), a prenose se u vidu grantova na račune korisnika bespovratnih sredstava, nakon zaključivanja ugovora iz člana 26. ove odluke.

(2) Finansijska sredstva iz stava (1) ovoga člana koriste se u skladu sa Programom koji donosi Vlada Tuzlanskog kantona (u daljem tekstu: Vlada Kantona) za svaku budžetsku godinu.

##### **Član 3. (Namjena sredstava)**

(1) Sredstva se odobravaju u svrhu otvaranja novih radnih mjesta za lica iz člana 1. Zakona o dopunskim pravima branilaca i članova njihovih porodica - prečišćen tekst („Službene novine Tuzlanskog kantona”, br. 5/12, 5/14 i 12/16, u daljem tekstu: Zakon) koja se nalaze u evidenciji Javne ustanove Službe za zapošljavanje Tuzlanskog kantona (u daljem tekstu: Služba).

(2) Sredstva se mogu odobriti za:

- samozapošljavanje radi pokretanja nove djelatnosti i
- zapošljavanje radi proširenja postojeće ili pokretanja nove djelatnosti.

(3) Zapošljavanje mogu vršiti:

a) fizička lica koja obavljaju obrtničku ili srodnu djelatnost u skladu sa Zakonom o privrednim društvima („Službene novine Federacije Bosne i Hercegovine“, broj: 81/15), odnosno obrtničku ili srodnu djelatnost u skladu sa Zakonom o obrtu i srodnim djelatnostima („Službene novine Federacije Bosne i Hercegovine“, br. 35/09 i 42/11), Uredbom o vezanim i posebnim obrtima („Službene novine Federacije Bosne i Hercegovine“, br. 66/09, 62/10 i 16/12) i Uredbom o zaštiti tradicionalnih i starih zanata („Službene novine Federacije Bosne i Hercegovine“, br. 66/09, 38/10 i 16/12) i

b) privredna društva registrovana kod nadležnog organa shodno Zakonu o privrednim društvima.

##### **Član 4. (Definicije)**

(1) Samozapošljavanje u smislu člana 3. stav (2) tačka a) ove odluke odnosi se na zapošljavanje nezaposlenog lica iz člana 3. stava (1) ove odluke, koje bi koristeći sredstva registrovalo i otpočelo obavljati djelatnost u svoje ime i za svoj račun.

(2) Nezaposleno lice je lice koje se u evidenciji Službe vodi kao nezaposleno lice duže od trideset dana neprekidno prije objavljivanja javnog poziva iz člana 21. ove odluke.

(3) Zapošljavanje u smislu člana 3. stav (2) tačka b) ove odluke odnosi se na radno angažovanje nezaposlenog lica iz člana 3. stava (1) ove odluke angažovanjem sredstava.

(4) Poslodavac je lice iz privatnog sektora koje bi koristeći sredstva iz ove odluke proširilo postojeću djelatnost ili započelo novu u cilju zapošljavanja lica iz člana 3. stav (1) ove odluke.

(5) Pojmovi i definicije iz ove odluke upotrijebljeni su u skladu sa odredbama Zakona o pravima branilaca i članova njihovih porodica („Službene novine Federacije Bosne i Hercegovine“, br. 33/04, 56/05, 70/07, 9/10 i 90/17) i Zakona o posebnim pravima dobitnika ratnih priznanja i odlikovanja i

članova njihovih porodica („Službene novine Federacije Bosne i Hercegovine“, br. 70/05, 61/06, 9/10 i 90/17).

### III. Korisnici prava

#### Član 5.

##### (Korisnici prava)

(1) Pravo na dodjelu sredstava, na način i po postupku utvrđenim ovom odlukom, ima:

a) nezaposleno lice iz člana 3. stav (1) ove odluke u svrhu samozapošljavanja,

b) privredno društvo registrovano kod nadležnog organa shodno Zakonu o privrednim društvima, a koje će izvršiti zapošljavanje lica iz člana 3. stav (1) ove odluke i

c) fizičko lice koja obavlja obrtničku ili srodnu djelatnost u skladu sa Zakonom o obrtu i srodnim djelatnostima, Uredbom o vezanim i posebnim obrtima i Uredbom o zaštiti tradicionalnih i starih zanata, a koje bi izvršilo zapošljavanje lica iz člana 3. stav (1) ove odluke.

(2) Korisnici prava iz stava (1) ovog člana mogu aplicirati samo za jedan grant sredstava.

### IV. Samozapošljavanje

#### Član 6.

##### (Uslov za ostvarivanje prava na samozapošljavanje)

(1) Pravo na dodjelu sredstava, korisnik prava iz člana 5. stav (1) tačka a) ove odluke, može ostvariti pod uslovom da:

a) je prijavljen na evidenciji Službe kao nezaposlena osoba neprekidno duže od 30 dana prije objavljivanja javnog poziva iz člana 21. ove odluke i koji bi koristeći dodijeljena sredstva obavljao vlastitu djelatnost;

b) je u roku iz tačke a) ovoga člana registrovao privredno društvo ili obrt ili je u toku registracija privrednog društva ili obrta i

c) posjeduje poslovni plan za obavljanje djelatnosti kojom se namjerava baviti, te plan utroška sredstava koja su navedena u prijavi kao nedostajuća i vlastita sredstva.

(2) Poslovni plan za obavljanje djelatnosti iz stava (1) tačka c) ovog člana treba da sadrži: naziv investicije, opis namjene za obavljanje djelatnosti sredstava, prethodno radno iskustvo podnosioca zahtjeva u okviru te djelatnosti, posjedovanje strojeva i opreme potrebne za obavljanje djelatnosti, visinu investicije, izvor finansiranja, vlastito učešće i druga učešća, efekte investicije, te druge relevantne informacije.

#### Član 7.

##### (Ograničenje prava na samozapošljavanje)

(1) Pravo na dodjelu sredstava ne mogu ostvariti korisnici prava iz člana 5. stav (1) tačka a) ove odluke koji su:

a) koristili bespovratna sredstava odnosno kredite za zapošljavanje iz sredstava budžeta.

b) koristili prava na zapošljavanje u skladu sa programima Službe;

c) iz oblasti priređivanja igara na sreću;

d) imaju neizmirenih dospeljih obaveza po osnovu poreza i doprinosa i

e) u periodu od momenta objavljivanja javnog poziva pa do potpisivanja ugovora zasnovali radni odnos kod drugog poslodavca.

(2) Sredstva iz budžeta, korisnik prava iz člana 5. stav (1) tačka a) ove odluke može koristiti samo jednom, a pravo na dodjelu sredstava ima samo jedan član porodičnog domaćinstva.

(3) Pod članom porodičnog domaćinstva podrazumijevaju se bračni drug i djeca.

#### Član 8.

##### (Utvrđivanje reda prvenstva kod samozapošljavanja)

Red prvenstva za dodjelu sredstava, po ovoj odluci, utvrđuje se prema broju bodova koji pripadaju korisniku prava iz člana 5. stav (1) tačka a) ove odluke koji ispunjava potrebne uslove, prema sljedećim kriterijima:

a) branilački status korisnika prava,

b) stepen vojnog invaliditeta,

c) priznanja i odlikovanja u Oružanim snagama Bosne i Hercegovine (u daljem tekstu: OS BiH) i

d) dužina prijave na evidenciji Službe.

#### Član 9.

##### (Bodovi po osnovu branilačkog statusa korisnika prava)

(1) Korisniku prava po osnovu branilačkog statusa, pripadaju bodovi, kako slijedi:

a) kandidatu članu porodice šehida, poginulog, umrlog, nestalog branioca.....96 bodova,

b) kandidatu u statusu ratnog vojnog invalida za svaki provedeni mjesec učešća u OSBiH od dana stupanja do 23.12.1995. godine..... 1 bod i

c) kandidatu u statusu demobilisanog branioca za svaki provedeni mjesec u OS BiH od dana stupanja do momenta demobilizacije.....1 bod.

(2) Korisnicima prava u statusu članova porodičnog domaćinstva ratnog vojnog invalida i demobilisanog branioca po ovoj odluci pripada polovina bodova utvrđenih stavom (1) ovoga člana.

#### Član 10.

##### (Bodovi po osnovu stepena vojnog invaliditeta)

(1) Korisniku prava u statusu ratnog vojnog invalida, pored bodova iz člana 9. ove odluke, na osnovu utvrđenog procenta invalidnosti po posljednjem prvostepenom rješenju, odnosno po rješenju izdatom u postupku revizije, pripadaju bodovi kako slijedi:

a) RVI 100%, I i II grupa invaliditeta.....10 bodova,

b) RVI 90%, III grupa invaliditeta.....9 bodova,

c) RVI 80%, IV grupa invaliditeta.....8 bodova,

d) RVI 70%, V grupa invaliditeta .....7 bodova,

e) RVI 60%, VI grupa invaliditeta .....6 bodova,

f) RVI 50%, VII grupa invaliditeta .....5 bodova,

g) RVI 40%, VIII grupa invaliditeta .....4 boda,

h) RVI 30%, IX grupa invaliditeta .....3 boda i

i) RVI 20%, X grupa invaliditeta .....2 boda.

(2) Korisnicima prava u statusu članova porodičnog domaćinstva ratnog vojnog invalida po ovoj odluci pripada polovina bodova utvrđenih stavom (1) ovoga člana.

#### Član 11.

##### (Bodovi po osnovu priznanja u OS BiH)

(1) Korisniku prava kao dobitniku najvišeg ratnog priznanja i odlikovanja, pored bodova iz članova 9. i 10. ove odluke, pripadaju i bodovi kako slijedi:

a) Značka „Zlatni ljiljan“, Red hrvatskog trolista, Orden slobode, Red bana Jelačića, Orden Heroja oslobođilačkog rata, Red Nikole Subića-Zrinjskog, Orden oslobođenja, Red Kneza Domagoja sa ogrlicom, Orden „Zlatnog grba sa mačevima“,

Orden „Zlatnog ljiljana sa zlatnim vijencem”, Orden „Zlatnog ljiljana sa srebrenim vijencem”, Medalja za hrabrost, Medalja pobjeda, Medalja otpora, Medalja za vojne zasluge, Policijska Medalja za hrabrost i Zlatna policijska značka – zvijezda .....

.....10 bodova,

b) Srebrena Policijska zvijezda i Srebreni štit.....5 bodova i

c) Red hrvatskog pletera..... 2 boda.

(1) Korisnicima prava u statusu članova porodičnog domaćinstva dobitnika najvišeg ratnog priznanja i odlikovanja, po ovoj odluci pripada polovina bodova utvrđenih stavom (1) ovoga člana.

### Član 12.

#### (Bodovi po osnovu dužine prijave na evidenciji Službe)

Po osnovu prijave na evidenciji Službe korisniku prava pripada po ½ (pola) boda za svaki započeti mjesec od dana prijavljivanja na evidenciji Službe.

### Član 13.

#### (Prioritet kod istog broja bodova na samozapošljavanje)

Ukoliko na preliminarnoj rang listi iz člana 24. stav (3) tačka a) ove odluke, dva ili više podnosilaca zahtjeva imaju isti ukupan broj bodova, prednost kod dodjele sredstava ima podnosilac zahtjeva koji je duže prijavljen na evidenciji Službe, odnosno u slučaju iste dužine prijave na evidenciji prioritet se utvrđuje sljedećim redoslijedom:

a) član porodice šehida poginulog branioca,

b) ratni vojni invalid prema većem procentu invaliditeta,

c) dobitnik priznanja i odlikovanja prema vrsti priznanja i

d) demobilisani branilac prema dužini učešća u Oružanim snagama.

## V. Zapošljavanje

### Član 14.

#### (Uslovi za ostvarivanje prava na zapošljavanje)

(1) Pravo na dodjelu sredstava, u smislu odredaba ove odluke, korisnik prava iz člana 5. stav (1) tačke b) i c) može se ostvariti pod uslovom da:

a) je registrovan kod nadležnog organa shodno Zakonu o privrednim društvima odnosno, u skladu sa Zakonom o obrtu i Uredbom o vezanim i posebnim obrtima te obrtnici koji obavljaju obrtničku djelatnost u skladu sa Uredbom o zaštiti tradicionalnih i starih zanata,

b) ima sjedište, djeluje i/ili rade na prostoru Kantona,

c) u skladu sa svojim investicionim programom planira otvaranje novih radnih mjesta na koja bi zaposlio lica iz člana 3. stav (1) ove odluke,

d) registrovana djelatnost ne spada u oblast priređivanja igara na sreću,

e) je po strukturi kapitala sa najmanje 51% privatnog kapitala,

f) da je izmirio ili ugovorom reprogramirao obaveze prema fondovima (porezi i doprinosi) zaključno sa 31.12. prethodne godine,

g) da će investicionim programom za koji se traže sredstva realizovati najkasnije 90 dana od dana prenosa sredstava iz ugovora,

h) da su za realizaciju investicionog programa obezbijedena vlastita sredstva najmanje od 50% predviđenih ulaganja u investiciju,

i) ako je u ranijem periodu koristio pozajmice od Vlade Kantona, da je iste vratio ili na drugi način regulisao (potvrda od kantonalnog Ministarstva finansija) i

j) u posljednjih šest mjeseci, do dana objavljivanja javnog poziva pa do isteka ugovornog perioda, nije smanjio broj zaposlenih lica, osim u slučajevima opravdano upražnjenih radnih mjesta (otkaz na vlastiti zahtjev radnika, penzionisanje, nesposobnost za rad).

(2) Investicioni program za obavljanje djelatnosti - biznis plan iz stava (1) tačka h) ovog člana treba da sadrži: naziv investicije, visina investicije, opisa namjene sredstava vlastito učešće i efekt investicije.

### Član 15.

#### (Ograničenje prava na zapošljavanje)

Prema odredbama ove odluke pravo na dodjelu sredstava ne mogu ostvariti korisnici prava iz člana 5. stav (1) tačke b) i c) ove odluke koji:

a) su koristili kreditna ili bespovratna sredstva iz poticajnih mjera Službe, budžeta bilo kojeg nivoa vlasti, a nisu ispoštovali obaveze u skladu sa zaključenim ugovorima, odnosno nisu zaposlili predviđeni broj radnika i ne vraćaju redovno dobivena sredstva, ne izmiruju redovno obaveze po osnovu poreza i doprinosa,

b) su evidentirani u Registru novčanih kazni zbog duga neplaćenih novčanih kazni i troškova postupka izrečenih radi učinjenog prekršaja jer sa zaposlenikom nije zaključio ugovor o radu („rad na crno“),

c) obavljaju djelatnost koja je iz oblasti priređivanja igara na sreću,

d) koristili sredstva za samozapošljavanje/zapošljavanje po prethodnim programima ovoga Ministarstva, a za ista nije istekao ugovoreni rok i

e) su prema Zakonu o računovodstvu i reviziji u Federaciji Bosne i Hercegovine („Službene novine Federacije Bosne i Hercegovine“, broj: 83/19) razvrstani u velika preduzeća.

### Član 16.

#### (Utvrđivanje reda prvenstva kod zapošljavanja)

Red prvenstva za dodjelu sredstava korisniku prava iz člana 5. stav (1) tačke b) i c) ove odluke, utvrđuje se prema broju bodova koji mu pripada, prema sljedećim kriterijima:

a) vlastito učešće u konstrukciji finansiranja,

b) vrsta djelatnosti i

c) broj novoupisanih lica.

### Član 17.

#### (Bodovi po osnovu vlastitog učešća)

Bodovi koji se mogu dati po osnovu vlastitog učešća su u rasponu od 5 do 20, na način kako slijedi:

a) projekat u čijem finansiranju je vlastito učešće od 80% i više, bez obzira na ukupnu vrijednost.....20 bodova,

b) projekat u čijem finansiranju je vlastito učešće 70,01% do 79,99% .....15 bodova,

c) projekat u čijem finansiranju je vlastito učešće 60,01% do 70%.....10 bodova i

d) projekat u čijem finansiranju je vlastito učešće od 50,01% do 60%.....5 bodova.

### Član 18.

#### (Bodovi po osnovu vrste djelatnosti)

Bodovi koji se mogu dati po kriteriju vrste djelatnosti su:

a) proizvodna djelatnost.....10 bodova i

b) uslužna djelatnost.....5 bodova.

### Član 19.

#### (Bodovi po osnovu broja novouposlenih lica)

(1) Za svakog novouposleno lice iz člana 3. stav (1) ove odluke, korisniku prava iz člana 5. stav (1) tačke b) i c) ove odluke pripada po 5 bodova.

(2) Minimalan broj novouposlenih lica u direktnoj je vezi sa visinom odobrenog granta sredstava, a utvrđen je Programom iz člana 2. stav (2) ove odluke.

### Član 20.

#### (Prioritet kod istog broja bodova na zapošljavanje)

Ukoliko na preliminarnoj rang listi iz člana 24. stav (3) tačka b) ove odluke, dva ili više podnosilaca zahtjeva imaju isti ukupan broj bodova, prioritet se daje podnosiocu zahtjeva koji:

- zapošljava veći broj novouposlenih lica i
- ima registrovanu pretežno proizvodnu djelatnost.

## VI. Postupak i organi koji odlučuju

### Član 21.

#### (Donošenje odluke i raspisivanje javnog poziva)

(1) Odluku o raspisivanju javnog poziva za dodjelu sredstava za svaku budžetsku godinu donosi Ministarstvo.

(2) U slučaju da Budžetom planirana sredstva po raspisanom javnom pozivu ne budu utrošena u cijelosti, ista se mogu preusmjerivati u skladu sa Programom iz člana 2. stav (2) ove odluke.

(3) Tekst javnog poziva i obrazac zahtjeva utvrđuje Ministarstvo.

(4) Javni poziv obavezno sadrži podatke:

- o korisnicima prava,
- o ukupnim sredstvima za dodjelu,
- od kada se podnose prijave i kome, uz krajnji rok, do kada se prijave mogu podnijeti,
- o maksimalnom iznosu sredstava koja se mogu dobiti,
- o dokumentaciji neophodnoj za odlučivanje taksativno utvrđenoj u Prilogu, koji je sastavni dio ove odluke i
- uslovima, ograničenju i načinu korištenja sredstava.

(5) Javni pozivi se objavljuju na web-stranici Vlade Kantona, i u javnom pozivu se mora navesti datum od kada počinje teći rok za predaju dokumentacije.

(6) Javni pozivi se objavljuju na oglasnoj ploči Ministarstva i oglasnim pločama nadležnih općinskih službi.

(7) Pored oglašavanja iz stavova (5) i (6) ovoga člana, asocijacije-udruženja-organizacije branilaca i članova njihovih porodica na kantonalnom, gradskom i općinskom nivou mogu oglašavanje vršiti na svojim oglasnim pločama i na drugi način u skladu sa svojim mogućnostima i potrebama.

### Član 22.

#### (Podnošenje zahtjeva)

(1) Zahtjev sa potrebnom dokumentacijom, podnosi se Ministarstvu, u roku od 30 dana od dana navedenog u javnom pozivu objavljenom na web-stranici Vlade Kantona.

(2) Dokumentacija iz stava (1) ovog člana predaje se u originalu ili ovjerenoj fotokopiji.

### Član 23.

#### (Imenovanje, sastav i mandat Komisije)

(1) Postupak dodjele sredstava provodi Komisija od pet članova koju imenuje ministar za boračka pitanja Tuzlanskog

kantona (u daljem tekstu: ministar).

(2) Komisiju čine tri predstavnika Ministarstva, koji imaju i svoje zamjenike.

(3) Mandat komisije traje do okončanja postupka za jednu budžetsku godinu.

### Član 24.

#### (Djelokrug rada Komisije)

(1) Po potrebi Komisija činjenice navedene u zahtjevu provjerava na licu mjesta.

(2) Komisija je obavezna prilikom provjeravanja činjenica na licu mjesta sačiniti zapisnik koji potpisuju svi prisutni članovi komisije i podnosilac zahtjeva.

(3) Komisija utvrđuje ukupan broj bodova po svim osnovama iz ove odluke i sačinjava dva zasebna prijedloga preliminarnih rang lista, i to:

- Preliminarna rang lista podnosilaca zahtjeva iz člana 5. stav (1) tačka a) ove odluke i
- Preliminarna rang lista podnosilaca zahtjeva iz člana 5. stav (1) tačke b) i c) ove odluke.

(4) Preliminarne rang liste iz stava (3) ovog člana obavezno sadrže: tačan naziv, odnosno ime podnosioca zahtjeva, broj bodova po svakom od osnova iz ove odluke, ukupan broj bodova, odobreni iznos sredstava, potpise i datum kada su ovjerene potpisima članova Komisije, datum objavljivanja lista, pouka o pravu podnošenja prigovora, a mogu sadržavati i druge važne činjenice.

(5) Preliminarne rang liste se objavljuju na web stranici Vlade Kantona, oglasnoj ploči Ministarstva i oglasnim pločama nadležnih općinskih službi.

(6) Neblagovremene i nepotpune zahtjeve Komisija ne uzima u razmatranje, a podnosioci zahtjeva o istom se obavještavaju putem dvije zasebne liste, u kojima su navedeni razlozi nerazmatranja.

### Član 25.

#### (Postupak po prigovoru)

(1) Na liste iz člana 24. stavovi (3) i (6) ove odluke može se uložiti prigovor ministru.

(2) Prigovor se podnosi, u roku od osam dana od dana navedenog u objavljenim listama, u pismenoj formi, sa tačnim navođenjem na koje činjenice rang liste se prigovara.

(3) O izjavljenim prigovorima iz stava (1) ovog člana, odlučuje ministar po prethodno pribavljenom izjašnjenju Komisije po svim konkretnim navodima u prigovoru, u roku od 15 dana od dana isteka roka za prigovore.

(4) Postupak po prigovoru provodi se u skladu sa odredbama Zakona o upravnom postupku („Službene novine Federacije Bosne i Hercegovine“, br. 2/98 i 48/99).

### Član 26.

#### (Donošenje konačne liste i zaključivanje ugovora)

(1) Nakon okončanih postupaka po prigovorima, ministar utvrđuje konačne rang liste.

(2) Sredstva se dodjeljuju po redosljedju utvrđenom u konačnoj rang listi u iznosu traženom u zahtjevu maksimalno do iznosa utvrđenog Programom iz člana 2. stav (2) ove odluke, do raspodjele ukupnih sredstava predviđenih za ove namjene.

(3) Kandidatu sa konačne rang liste kojem nakon raspodjele sredstava, zbog nedostatka istih, nije moguće dodijeliti traženi iznos, može se dodijeliti manji iznos uz njegovu pismenu saglasnost i specifikaciju utroška sredstava.

(4) Na osnovu konačnih rang lista ministar sa korisnicima

prava zaključuje ugovor kojim se bliže uređuju međusobna prava i obaveze.

(5) Ugovor iz stava (4) ovoga člana zaključuje se na period od najmanje 24 mjeseca.

(6) Ugovor iz stava (4) ovog člana zaključuje se u roku od 30 dana od dana isticanja konačnih rang listi iz stava (1) ovog člana na web stranici Vlade Kantona.

(7) Korisnik prava koji u roku iz stava (6) ovog člana ne potpiše ugovor, izuzev u slučaju kada iz opravdanih razloga nije u mogućnosti potpisati isti o čemu dostavlja odgovarajući dokaz, smatra se da je odustao od sredstava i gubi pravo na naknadno zaključenje ugovora.

(8) Svako korištenje odobrenih sredstava suprotno namjenama utvrđenim u ugovoru iz stava (4) ovog člana smatra se nenamjenskim.

## VII. Način isplate odobrenih sredstava i obaveze

### Član 27.

#### (Isplata sredstava)

(1) Sredstva odobrena korisniku prava za samozapošljavanje i zapošljavanje mogu se isplatiti tek kada korisnik potpiše ugovor iz člana 26. stav (4) ove odluke kojim se obavezuje da će ista utrošiti namjenski prema podnesenom zahtjevu.

(2) Korisnik prava za samozapošljavanje i zapošljavanje obavezan je u roku od 30 dana od dana potpisivanja ugovora iz člana 26. stav (4) ove odluke pismeno, uz dostavljanje odgovarajućeg dokaza, zatražiti uplatu odobrenih sredstava.

(3) Korisnik prava za samozapošljavanje i zapošljavanje koji u roku iz stava (2) ovog člana ne podnese zahtjev za isplatu sredstava, izuzev u slučaju kada iz opravdanih razloga nije u mogućnosti tražiti uplatu, o čemu dostavlja dokaz, smatrat će se da je odustao od istih i sredstva se mogu dodijeliti sljedećem rangiranom na konačnoj rang listi.

### Član 28.

#### (Način isplate i korištenja sredstava)

(1) Sredstva odobrena za samozapošljavanje isplaćuje se jednokratno ili u više rata prema dostavljenom predračunu ili računu za plaćanje registracije, nabavku osnovnih sredstava za rad, nabavku opreme, alata, repromaterijala i drugo.

(2) Sredstva odobrena za samozapošljavanje ne mogu se koristiti za: plate, plaćanje poreza i doprinosa iz plata, zakupninu prostora, režijske troškove (struja, voda, PTT, gorivo itd.).

(3) Sredstva odobrena za zapošljavanje isplaćuju se poslodavcu prema dostavljenom predračunu ili računu za plaćanje osnovnih sredstava za rad, nabavku opreme alata, repromaterijala i drugo, za plaćanje poreza i doprinosa za novouposlena lica i drugo.

(4) U realizaciji odobrenih sredstava korisnici prava iz ove odluke 20% sredstava, od ukupnog odobrenog iznosa, mogu koristiti za ostale troškove koji nisu navedeni u stavovima (1), (2) i (3) ovoga člana.

### Član 29.

#### (Obaveze lica koja se samozapošljava)

(1) Lice koje se samozapošljava dužno je vršiti redovan obračun i uplatu poreza i doprinosa u skladu sa Zakonom o porezu na dohodak i Zakonom o doprinosima.

(2) U slučaju prestanka rada registrovane djelatnosti po osnovu koje je lice ostvarilo pravo na sredstva dužno je u roku od tri dana od dana prestanka rada, o tome obavijestiti Ministarstvo.

(3) Ako nastupe okolnosti uslijed kojih dođe do prestanka obavljanja registrovane djelatnosti, lice koja se samozapošljava je dužno u roku od 30 dana od dana prestanka registrovane djelatnosti, Ministarstvu vratiti iznos sredstava za period za koji nije dostavio pravdanje u skladu sa ovom odlukom, izuzev u slučaju više sile (elementarne nepogode, zemljotresi, požari), politička zbivanja (rat, neredi većeg obima, štrajkovi), donošenje propisa koji direktno utiču na poslovanje, bolest ili smrt, itd.

### Član 30.

#### (Obaveza poslodavca)

(1) Poslodavac koji koristi sredstva ne može tokom ugovorenog perioda smanjiti broj zaposlenih u odnosu na broj zaposlenih koji je imao na dan 31.03. tekuće godine uvećan za broj novozaposlenih lica.

(2) Ako tokom trajanja radnog odnosa nastupe okolnosti uslijed kojih poslodavac ne ispunjava neki od uslova iz člana 3. ove odluke, poslodavac gubi pravo na sredstva danom prestanka ispunjavanja uslova i dužan je u roku od 30 dana od dana prestanka ispunjavanja uslova Ministarstvu vratiti cjelokupan iznos sredstava.

(3) Ako nadležna Služba, nadležna inspekcija ili porezna uprava utvrde da je došlo do smanjenja broja zaposlenih i da poslodavac nije postupio u skladu sa članom 3. ove odluke, poslodavac je dužan da, pored vraćanja iznosa iz stava (2) ovog člana, uplati i pripadajuću zakonsku kamatu u skladu sa važećim propisima.

(4) Za vrijeme trajanja perioda za koji prima sredstva, poslodavac ne može smanjiti broj zaposlenih lica, osim iz razloga više sile (elementarne nepogode, požar, donošenje i izmjena propisa koji direktno utiču na poslovanje poslodavca), penzionisanja ili dobrovoljnog otkaza zaposlenika.

(5) Ako tokom perioda za koji se obezbjeđuju sredstva poslodavac raskine ugovor o radu sa primljenim licem dužan je u roku od tri dana o tome obavijestiti Ministarstvo i obavezan je u roku od 15 dana od dana nastanka te okolnosti zaključiti ugovor o radu sa drugim nezaposlenim licem koje ispunjava uslove iz ove odluke, na preostali period ugovorne obaveze.

(6) U slučaju zaključivanja ugovora o radu sa drugim (zamjenskim) nezaposlenim licem poslodavac je dužan odmah, a najkasnije u roku od tri dana od dana zaključenja ugovora dostaviti kopiju ugovora o radu i kopiju prijave na obavezna osiguranja (Obrazac JS 3100) Ministarstvu i Službi.

### Član 31.

#### (Obaveza Ministarstva)

(1) U svim slučajevima gdje lice nije postupilo po odredbama ove odluke i ugovora, Ministarstvo je obavezno da pokrene postupak pred nadležnim sudom u cilju povrata sredstava i obeštećenja.

(2) Sredstva iz stava (1) ovog člana, vraćaju se na račun Budžeta Kantona.

## VIII. Kontrola i nadzor

### Član 32.

#### (Kontrola i nadzor)

(1) Upravni nadzor nad primjenom ove odluke vrši Ministarstvo.

(2) Radi kontrole namjenskog utroška sredstava odobrenih prema podnesenom zahtjevu Ministarstvo može formirati posebnu komisiju.

(3) Inspekcijski nadzor nad provođenjem ove odluke vrši nadležna inspekcija.

**IX. Završne odredbe****Član 33.****(Stavljanje van snage ranijeg propisa)**

Stupanjem na snagu ove odluke prestaje da važi Odluka o utvrđivanju uslova, kriterija i postupka za dodjelu finansijskih sredstava u svrhu obezbjeđivanja povoljnijih uslova za zapošljavanje branilaca i članova njihove porodice („Službene novine Tuzlanskog kantona“, br. 9/18 i 14/18).

**Član 34.****(Stupanje na snagu)**

Ova odluka stupa na snagu danom donošenja, a objavit će se u „Službenim novinama Tuzlanskog kantona.“

BOSNA I HERCEGOVINA  
Federacija Bosne i Hercegovine  
TUZLANSKI KANTON  
V L A D A

PREMIJER KANTONA  
Prof. dr. Denijal Tulumović, v.r.

Broj: 02/1-14-013314/19  
Tuzla, 14.08.2019. godine

**1. PRILOG**

**Popis potrebne dokumentacije  
uz zahtjev za dodjelu bespovratnih sredstava u svrhu SAMOZAPOŠLJAVANJA  
branilaca i članova njihovih porodica**

Redni broj:	Naziv dokumenta	Organ koji ga izdaje dokument
(1)	Dokaz da je prijavljen na evidenciju Službe za zapošljavanje neprekidno duže od 30 dana prije objavljivanja javnog poziva ( <i>original ili ovjerena fotokopija</i> )	JU Služba za zapošljavanje
(2)	Rješenje o registraciji od nadležnog općinskog organa odakle se jasno može utvrditi da je obrt registrovan i oblik vođenja djelatnosti ili dokaz da je u toku postupak registracije ( <i>original ili ovjerena fotokopija</i> )	Nadležni gradski/općinski organ
(3)	Poslovni plan za obavljanje djelatnosti koji se između ostalog sastoji se od opisa namjene za obavljanje djelatnosti sredstava, drugih izvora financiranja, prethodnog radnog iskustva podnosioca zahtjeva u okviru te djelatnosti, posjedovanja strojeva, opreme potrebne za obavljanje djelatnosti, te drugih relevantnih informacija (kratak prikaz u tabeli, naziv investicije, visina investicije, vlastito učešće i efekt investicije),	
(4)	Ovjerena izjavu pod materijalnom i moralnom odgovornošću da kandidat po ovom Javnom pozivu neće koristiti i sredstva po Programima drugih ministarstava TK za poticaj samozapošljavanja i Programa Javne ustanove “Službe za zapošljavanje TK“, a koji se odnosi na podsticaj samozapošljavanja	Nadležna služba Grada/općine ili notar
(5)	Ovjerena izjava pod materijalnom i moralnom odgovornošću o početku realizacije Programa, u roku od 30 dana od momenta potpisivanja Ugovora	Nadležna služba Grada/općine ili notar
(6)	Ovjerena izjava podnosioca zahtjeva da će djelatnost obavljati najmanje 24 mjeseci	Nadležna služba Grada/općine ili notar

(7)	<p>Dokaz o pripadnosti boračkoj populaciji: (<i>original ili ovjerena fotokopija</i>)</p> <p>a) za korisnika prava u statusu, PŠ-PB posljednje rješenje na snazi,</p> <p>b) za korisnika prava u statusu RVI: 1. posljednje rješenje na snazi i 2. uvjerenje nadležnog odjela odbrane o dužini učešća u OS BiH,</p> <p>c) za korisnika prava u statusu DB: 1. uvjerenje o dužini učešća u OS BiH,</p> <p>d) za korisnika prava u statusu dobitnika ratnog priznanja i odlikovanja: 1. posljednje rješenje na snazi i 2. uvjerenje nadležnog odjela odbrane o dužini učešća u OS BiH,</p> <p>e) lica u statusu djeteta i supružnika korisnika prava: 1. posljednje rješenje na snazi, 2. uvjerenje o dužini učešća u OS BiH 3. izvod iz matične knjige rođenih i vjenčanih, i</p> <p>f) lice u statusu udove supružnika korisnika prava: 1. posljednje rješenje na snazi, 2. uvjerenje o dužini učešća u OS BiH 3. izvod iz matične knjige rođenih i vjenčanih i 4. ovjerena izjava sa dva svjedoka da nije stupio/la vanbračnu zajednicu</p>	<p>Gradska/općinska služba nadležna za boračko invalidsku zaštitu (tč.a)</p> <p>Gradska/općinska služba nadležna za boračko invalidsku zaštitu (tč.1) Grupa za pitanja iz oblasti vojne evidencije (tč.2)</p> <p>Grupa za pitanja iz oblasti vojne evidencije (tč.1)</p> <p>Gradska/općinska služba nadležna za boračko invalidsku zaštitu (tč.1) Grupa za pitanja iz oblasti vojne evidencije (tč.2)</p> <p>Gradska/općinska služba nadležna za boračko invalidsku zaštitu (tč.1) Grupa za pitanja iz oblasti vojne evidencije (tč.2)</p> <p>Gradska/općinska služba nadležna za boračko invalidsku zaštitu (tč.1) Grupa za pitanja iz oblasti vojne evidencije (tč.2)</p> <p>Gradska/općinska služba nadležna za boračko invalidsku zaštitu (tč.1) Grupa za pitanja iz oblasti vojne evidencije (tč.2)</p>
-----	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

Napomena: Izjave iz tačaka 4.,5. i 6. podnosilac zahtjeva može dati na jednoj ovjerenj ispravi.

**2. PRILOG**

**Popis potrebne dokumentacije  
uz zahtjev za dodjelu bespovratnih sredstava u svrhu ZAPOŠLJAVANJA  
branilaca i članova njihovih porodica**

Redni broj:	Naziv dokumenta	Organ koji ga izdaje dokument
(1)	Rješenje o registraciji privrednog društva odakle se jasno može utvrditi da je registrovan i oblik vođenja djelatnosti ( <i>original ili ovjerena fotokopija</i> )	Kantonalni sud
(2)	Rješenje o registraciji od nadležnog općinskog organa odakle se jasno može utvrditi da je obrt registrovan i oblik vođenja djelatnosti ( <i>original ili ovjerena fotokopija</i> )	Nadležni gradski/općinski organ
(3)	investicioni program za obavljanje djelatnosti - biznis plan; Investicioni Program (kratak prikaz u tabeli, naziv investicije, visina investicije, opisa namjene sredstava vlastito učešće i efekt investicije)	
(4)	bilans stanja i uspjeha / knjigu prihoda i rashoda („KPIR“) za posljednju godinu odnosno za period od registracije privrednog društva ili pokretanja samostalne djelatnosti ( <i>original ili ovjerena fotokopija</i> )	Porezna uprava F BiH Ispostave porezne uprave po Grada/općine
(5)	Uvjerenje/potvrdu o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave FBiH ne starije od tri mjeseca od dana podnošenja prijave ( <i>original ili ovjerena fotokopija</i> )	Uprava za indirektno oporezivanje, Porezna uprava F BiH Ispostave porezne uprave Grada/općine
(6)	Uvjerenje o poreznoj registraciji – ID broj ( <i>original ili ovjerena fotokopija</i> )	Porezna uprava F BiH Ispostave porezne uprave Grada/općine
(7)	Potvrdu o izmirenju ili ugovorom reprogramiranih obaveza po osnovu poreza i doprinosa (iz Poreske uprave - Kantonalni ured u Tuzli)	Porezna uprava F BiH Ispostave porezne uprave Grada/općine
(8)	Potvrdu iz PIO-a o broju uposlenih radnika na dan 31.03. tekuće godine sa listingom	Fond PIO/MIO
(9)	Obavještenje o razvrstavanju privrednog društva sačinjenog i predatog Finansijsko informatičkoj agenciji (FIA) uz izvještaj za prethodnu godinu	Privredno društva ovjereno od strane Finansijsko informatičke agencije (FIA)
(10)	Ovjerena izjava pod materijalnom i moralnom odgovornošću da društvo za prijem radnika po ovom Javnom pozivu neće koristiti i sredstva po Programima drugih ministarstava TK za poticaj zapošljavanja i Programa Javne ustanove “Službe za zapošljavanje TK“, a koji se odnosi na podsticaj zapošljavanja	Nadležna služba Grada/općine ili notar
(11)	Ovjerena izjava pod materijalnom i moralnom odgovornošću o početku realizacije Programa, u roku od 30 dana od momenta potpisivanja Ugovora	Nadležna služba Grada/općine ili notar
(12)	Ovjerena izjavu pod materijalnom i moralnom odgovornošću o broju radnika koji će se zaposliti	Nadležna služba Grada/općine ili notar

Napomena: Izjave iz tačaka 10., 11. i 12 podnosilac zahtjeva može dati na jednoj ovjerenoj ispravi.



**OBRAZAC ZAHTJEVA 1.**  
**na Javni poziv za dodjelu bespovratnih sredstava u svrhu SAMOZAPOŠLJAVANJA**  
**branilaca i članova njihove porodice Tuzlanskog kantona**

Podnosilac zahtjeva \_\_\_\_\_

Adresa \_\_\_\_\_ Telefon \_\_\_\_\_ e-mail \_\_\_\_\_

Naziv Projekta:

\_\_\_\_\_  
\_\_\_\_\_

Ukupna vrijednost projekta : \_\_\_\_\_

a) Da li ste do sada koristili bespovratna sredstava odnosno kredite za zapošljavanje ostvarene po drugom osnovu iz sredstava budžeta Tuzlanskog kantona, i u koliko jeste u kojem iznosu:

DA – NE \_\_\_\_\_ KM,

b) Da li ste do sada koristili bespovratna sredstava odnosno kredite za podsticaj zapošljavanja ostvarenog putem JU Službe za zapošljavanje i u koliko jeste u kojem iznosu:

DA – NE \_\_\_\_\_ KM,

(Zaokružiti i upisati iznos ukoliko je neko bio korisnik sredstva)

Prijedlog zatvaranja finansijske konstrukcije:

R. br.	IZVOR FINANSIRANJA	IZNOS
1.	Sopstvena sredstva	
2.	Nedostajuća sredstva	
3.	UKUPNA VRIJEDNOST PROJEKTA	

Uz zahtjev prilažem dokumentaciju propisanu Prilogom 1. za dodjelu bespovratnih sredstava u svrhu SAMOZAPOŠLJAVANJA branilaca i članova njihovih porodica.

\_\_\_\_\_  
Mjesto i datum

M.P.

\_\_\_\_\_  
Potpis podnosioca zahtjeva

**OBRAZAC ZAHTJEVA 2.**  
**na Javni poziv za dodjelu bespovratnih sredstava u svrhu ZAPOŠLJAVANJA branilaca  
i članova njihove porodice Tuzlanskog kantona**

Podnosilac zahtjeva \_\_\_\_\_

Adresa \_\_\_\_\_ Telefon \_\_\_\_\_ e-mail \_\_\_\_\_

Naziv Projekta:

\_\_\_\_\_  
\_\_\_\_\_  
\_\_\_\_\_

Ukupna vrijednost projekta : \_\_\_\_\_

a) Da li ste do sada koristili bespovratna sredstava odnosno kredite za zapošljavanje ostvarene po drugom osnovu iz sredstava budžeta Tuzlanskog kantona, i u koliko jeste u kojem iznosu:

DA – NE \_\_\_\_\_ KM,

b) Da li ste do sada koristili bespovratna sredstava odnosno kredite za podsticaj zapošljavanja ostvarenog putem JU Službe za zapošljavanje i u koliko jeste u kojem iznosu:

DA – NE \_\_\_\_\_ KM,

(Zaokružiti i upisati iznos ukoliko je neko bio korisnik sredstva)

Prijedlog zatvaranja finansijske konstrukcije:

R. br.	IZVOR FINANSIRANJA	IZNOS
1.	Sopstvena sredstva	
2.	Nedostajuća sredstva	
3.	UKUPNA VRIJEDNOST PROJEKTA	

Uz zahtjev prilažem dokumentaciju propisanu Prilogom 2. za dodjelu bespovratnih sredstava u svrhu ZAPOŠLJAVANJA branilaca i članova njihovih porodica.

\_\_\_\_\_  
Mjesto i datum

M.P.

\_\_\_\_\_  
Potpis podnosioca zahtjeva